

歸順直隸州志

續資治通鑑長編卷之六

歸順直隸州志卷五

列傳

宦績

人物

節烈婦女

壽考

方外

列傳史體也但史氏善惡並書以垂法戒志則隱惡而揚善此其所異也州志刪繁就簡以歸切要故名宦鄉賢雖分兩目而共彙一門竊思粵西名宦之最著者莫如前明之王文成鄉賢之稱首者莫如國朝之陳文恭其楷模必在茲也州自改流後循績之可稱與鄉評之推許可指數者亦約有數人兵燹時節烈婦女尤多可采焉

宦績

陳克賢雍正間由思恩府同知奉檄至歸順查辦要件適土

知州岑佐祚參革始改流官克賢攝理州事寬嚴相濟卓有政績後仕至工部侍郎

駱爲香福建惠安縣人廕生才識明敏練達政治時改流伊始諸務枵作能因勢利導次第就功而民不擾累州舊有公田私田夫田巫祝醫卜等田爲香爲之詳准首報公私田均攤以禾擔科銀此其爲惠之大者

路聲聞山西安邑人貢生通達治體膽識兼優時邊夷蠢然思動而事蹟未彰聲聞首建弭患之策知府某素不相能以爲張大其詞也駁斥之聲聞堅執前說事濟果蒙上賞而某受劾

韓德修直隸深州人慈祥愷悌公正廉明民有訟田私賄其兄者廉得之即據案公斷民大服因前任望誤罷去中途奉文開復

文昌熠興安人舉人乾隆十八年任學正學純養邃誨人不倦士子思之歷數十年無殊在日

王文煥陝西華州人副貢乾隆二十年知州事有幹才剛正嚴威上下畏服時奉文興修城池賞罰有度民急於趨事赴功三年而城竣民至今稱道弗衰

玉星燭新甯人拔貢乾隆二十二年任學正學問優長日與諸生賞奇析疑孳孳不倦時知州黃叔顯與之同志皆以成

就人材爲急務邊方人士益欣然趨嚮於學後遷隴右令
黃叔顯廣東連平州人進士乾隆二十三年知州事廉明賅
博勤學愛士暇日以文課諸生手自點定循循善誘如老儒
塾師文教賴以日振

何復善河南濟源人初知河池州乾隆三十一年知州事好
學能文諳練治體聽訟辨情僞極其明決尤喜興文勸學州
試童子與書院課士皆禮遇特優內遷員外郎

劉思誠湖南善化人乾隆三十一年以廩生知州事時街民
無身役者輪當小甲看守枷號犯人一日夜貧民失其生業
思誠謂朝廷設官以安民今反累民豈牧民之道哉立蠲其

弊民感其惠

湯雄業江蘇武進人貢生乾隆三十四年知州事溫厚愛民政無冗繁尤喜獎拔士類凡事有益於學校者必欲成之而後快遷明江同知累升至布政使

李憲喬字少鶴山東高密人以貢生

召試一等

欽賜舉

人初知岑溪縣袁簡齋太史遊粵西以文字交深爲所推許改知柳城縣乾隆六十年陞任知州明敏剛斷禮士愛民尤工於詩政暇嘗以教州人士州人粗知韻語皆憲喬所教也貢生童毓靈庠生童葆元皆經其陶育一時風雅稱彬彬焉嘉慶元年奉調從征貴州興義苗匪奏凱監馘入京行至永

福卒以軍功廕其子縣丞

陳甲淦鬱林州人舉人嘉慶元年任學正端方正直勤於課
士月課卷評定斧削皆中程度自來品學兼優無忝師席者
甲淦其尤也好獎成美舉時勸捐書院膏火甲淦卸任瀕行
仍傾囊以助截取會同縣知縣

任忠庾字兩樵江南人舉人嘉慶五年權州事精明廉惠務
持大端尤喜培植學校捐廉勸書院膏火士民樂成之當時
派買兵穀有以派及紳衿爲言者忠庾不聽仍舊蠲免

宋慶和字雲柯山東濰縣人進士初任武緣縣嘉慶二十年
遷知州剛明果斷勵精圖治至官即訪慣賊治以重刑盜風

止息民賴以安政暇置酒延士分韻賦詩尤利民者啗節水
堰久爲近水村人所築以規水利害及下流田畝數十頃慶
和開之上下灌溉民間稱便遷泗城府知府卒於官

項國楠浙江永嘉人舉人道光七年知州事謙厚慈惠好培
植文教在任多所興除詳請建置祠祀皆地方要務五年俸
滿告病去

克順姓呂氏字翕庭漢軍鑲白旗人庚子舉人咸豐元年署
通判時土匪四起始行團練自募壯勇百餘人率練堵剿所
至有功稍暇督課士子親爲講解同治三年署理州事土匪
屢次攻城滋擾各鄉皆擊散之以積勞病故鎮安府知府興

福穆其柩葬府城東隴啼山坡今祀遺愛祠

蔡鴻遵江蘇吳縣人咸豐三年任歸順吏目奉職勤慎學問優長尤工於詩到處多有題詠嘉慶間朱伯鴻湖北人同治間李宗浩浙江人莅湖潤司皆有政聲

蔣槐午安徽英山人拔貢咸豐六年知州事時土寇蠭起所在騷擾槐午乃選丁壯訓練之暇即與言忠義衆皆踴躍爭爲之用賊聞風遁去不敢復來州境百姓還業因採訪節孝廣設義學興復書院舉行鄉飲酒禮嘗出巡鄉所至集公正紳耆及俊秀子弟爲講明義理勉以躬行親入村塾勸課誦讀士民感化歲旱禱雨輒應蝗不入境遠近異之時欽州客

販往來絡繹良莠不齊槐午於除夕輕騎周巡達旦不寐次年緝獲巨夥供稱夥黨約於除夕起事以巡防嚴密不果其知幾防患類如此後去任時以詩留別有句云我在皖江頻引領願教此地回金甌可想見其眷眷之情矣

瑞齡字子九滿洲鑲藍旗人由筆帖式以知縣分發廣西兩次任州事百廢俱興瑞齡短於視而長於才在任數年戢內奸捍外侮不遺餘力疊著勞績大得民心郡人每以興瑞二公並稱云

葉茂松廣東瓊州人同治五年知州事幹練有爲時覃遠璉觀察領大兵入城剿賊茂松督帶親兵擊開水巖糧道始通

賊勢漸感並除內奸以固軍心至今士民稱頌弗衰

潘英章字子成湖南湘鄉人同治十年知州事精明果斷毅然有爲尤以力清積弊爲急務先是歸順有採買兵米一項按糧科派任意淨收胥吏因緣爲奸視同利藪苦累閭閻兵亂後停止數年至是將復舊規羣吏恣愚英章洞燭其弊即稟請改章由營採買以蘇民困故倡捐賓興重建衙署一切興作無不樂從後以憂去任留別贈行篇什成帙刊停琴集行於世

黃詠沂湖南甯遠人副貢光緒十一年由思恩縣調任時改升直隸州知州即補授在任督修藏書樓改建書院文場捐

廉置賓興田暨文廟祭器若干件稟提聚秀局公款爲諸生
院試紅案結費又提吏目豬判錢爲棚費皆有益於地方卒
於任所

王方田字子堃河南扶溝縣人同治庚午舉人辛未進士光
緒十九年知州事廉明方正剔除積弊保固邊圉均能出力
歸順向無刊本志書銳意興修已成志稿旋即升授泗城府
知府猶攜帶稿本至泗城續修未竟厥功以積勞卒官

李懋庸字小南桂林人同治庚午舉人光緒十六年任學正
學問優長啟迪不倦士林愛之知州王方田興修志書懋庸
分纂之勞居多俸滿驗看回任以疾卒於道

鎮邊縣

張師仲字孝伯雲南富民縣人拔貢光緒十二年署通判清
潔自守愛士養民時議改廳爲縣詳定學額擬建縣署已興
工旋因案爲州官所劾撤省罷官

水嘉穀字貽孫浙江鄞縣人壬戌舉人大挑知縣光緒十三
年調縣任學問優長愛培士子循循善誘如塾師去官後士
民思之

左秉壘號雅南漢軍人繙譯進士初署馬平貴縣尋補富川
幹練廉明尤善治盜厯有聲績深爲上台所器重因興辦蠶
桑秉壘稟地土不宜積忤上官改調鎮邊到任勤政愛民不

改素守邊民至今思之縣故有遺愛祠紳耆請附祀其中

人物

李子叢即家墟人少喪母父再娶子叢事之惟謹門以內藹如也其後父以事出後妻所生二子環泣請留不聽子叢朝夕委曲諷諫父感其誠卒迎歸子叢出墟路遇虎虎爲之避去人以爲孝感乾隆十六年以疾卒臨終以不克終養囑殮葬儉薄以自罰教妻子不得過哀恐重傷老父心知州路聲聞誄之曰嘉哉李生其諱子叢名傳遠近譽播西東克盡人紀無忝厥躬純乎其粹至性獨隆五年民牧洞悉其衷允矣人子孝友可風爾當易簣憂心忡忡彭生誄爾與我相同信

若人兮終而不終咸豐三年已請入孝子祠

何其恭州城人年十四隨父遊雲南道經小鎮安父疾歿資用乏絕痛哭流血迺傭值富人家得資以殮富人感其孝令歸家尋生業異日償值可也其恭拜謝歸里市販逐什一勤苦齒積數年稍裕即赴小鎮安償富人值扶父櫬歸葬撫養弟妹甚篤知州克順爲立孝子傳並係以詩一時題贊者甚衆成帙云今據貢生曾汝琦黃慶文等稟州轉詳請入孝子祠

李祖能字恢先州城人歲貢生經明行修工詩文試輒冠曹壯時勵志科名赴省試十餘次雖屢薦不售而篤志好學至

先不倦年七十餘猶手鈔古今名言懿行以勸後人時州牧
李憲喬深嘉之因目曰書癡

甘立德州城人字萃和庠生操守嚴謹家極貧環堵蕭然晏
如也土知州某聞其名欲延爲西席辭不就婉謝之惟閉門
訓子以終老同學童毓靈贈詩曰有病妻尋藥不驕兒負薪
袁思名又贈云寒梅知瘦骨深雪嬾高眠可以知其志趣

袁思名字子賓州城人庠生廉介誠篤家貧以課讀爲業教
條嚴峻列門牆者恂恂然皆有規矩年六十七生一子名松
後親見其子入泮生平耽吟詠師事州牧山東李憲喬著有
鳥鶴集其友童毓靈著有秋思集張宮詹鵬翀選崎西詩草